



Fundaziun svizra per la protecziun
da la cuntrada

Comunicaziun a las medias da la Fundaziun svizra per la protecziun da la cuntrada ed invid

Berna, 12 mai 2011

La Val Sinestra in Engiadina Bassa es la cuntrada da l'on 2011

La Fundaziun svizra per la protecziun da la cuntrada (FP) lantschescha quist on per la prüma jada la distincziun "Cuntrada da l'on". Il premi 2011 va quist on a la Val Sinestra in Engiadina Bassa. Il böt da la FP es da metter i'l center las cuntradas da la Svizra main cuntschaintas, amo da scuvrir, ma eir periclitadas.

Il cumüns da Ramosch e Sent survegnan la distincziun «Cuntrada da l'on» per la Val Sinestra chi's rechatta sün lur territori cumünal. La val chi vain percurrüda da l'aual alpin sulvadi Brancla muossa üna colliaziun armonica tanter la cuntrada natürala (pustüt il god) e la cuntrada cultivada. Sent e Vnà han purtrets dal lö sviluppat cun chüra d'importanza naziunala cun costas in fuorma da terrassa. La cuntrada da god orograficamaing da la vart dretta da la val e la cuntrada natürala plü o main intacta illas vals lateralas Val Laver e Val Chöglias sun impreschiunantas, medemmamaing las piramidas da terra sül Prà San Peder. L'ustaria da muntogna Zuort cun la chapella e la chasa da cura Val Sinestra cun sias funtanis da fier chi cuntregnan arsen sun lös plain d'istorgia immez üna natüra impreschiunanta e dinamica. Il prümars da Griosch e Prà San Peder vegnan cultivats da paurs indigens e sun cuverts la stà d'ün tapet da fluors incumparabel.

Il duos cumüns s'ingaschan per ün svilup turistic moderà illa Val Sinestra, in accord cun l'agricultura, la natüra e la cuntrada.

Partenaris naziunals da la distincziun da l'on 2011, chi cumpiglia üna somma da fr. 5'000.00, sun la Federaziun da las cooperativas Migros e l'intrapraisa Biketec AG. Partenaris regionals sun la Viafier retica sco eir Tourismus Engadin Scuol Samnaun Val Müstair AG.

L'act festiv per surdar il premi ha lö als **27 mai 2011 a las 14.00 h a Vnà.**

Tanter oter coopereschans las seguaintas personas:

Erika Forster, cusgliera dal stadi; Raimund Rodewald, manader da gestiun da la FP; Martin Schlöpfer, Federaziun da las cooperativas Migros; Simon Brülisauer, Biketec AG; Jon Carl e Victor Peer, presidents cumünals da Sent e Ramosch. La festa vain inramada musicalmaing. Davo l'aperitiv preschantà da paurs indigens ha lö ün'excursiun da circa ün'ura e mez aint per la val (in duos gruppas a pè/cul velo electric).

FUNDAZIUN SVIZRA PER LA PROTECZIUN DA LA CUNTRADA (FP)
Christine Neff, vicemanadra da gestiun